

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 253492 24 St  
Zenica, 20.12.2024. godine

Općinski sud u Zenici, sutkinja Marina Šapina, u stečajnom postupku nad društvom AL RUMAILA Real Estate d.o.o., ulica Čabaravdića broj 37, Visoko, odlučujući o prijedlogu likvidatora Mensur Čuprija, odvjetnik iz Visokog, na ročištu održanom dana 19.12.2024.god., u prisustvu likvidatora i punomoćnika Porezna uprava FBIH, Kantonalni porezni ured Zenica zaposlenika Muhmeda Avdića, donio je sljedeće:

### R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijedenje troškova stečajnog postupka u iznosu od 3.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom AL RUMAILA Real Estate d.o.o., ulica Čabaravdića broj 37, Visoko, matični broj subjekta upisa: 43-01-0231-18.

### O b r a z l o ž e n j e

Predlagatelj AL RUMAILA Real Estate d.o.o., ulica Čabaravdića broj 37, Visoko, zastupan po punomoćniku Mensuru Čupriji, odvjetniku iz Visokog ovom sudu je dana 21.12.2023.godine, podnio prijedlog za provođenje likvidacije nad navedenim pravnim licem.

Rješenjem br. 43 0 L 239346 23 L od 04.04.2024. godine, pokrenut je likvidacioni postupak i za likvidatora je imenovan Mensur Čuprija, odvjetnik iz Visokog.

U likvidacionom postupku potraživanje je prijavila Porezna uprava FBIH, Kantonalni porezni ured Zenica, u iznosu od 2.472,31 KM, koju je likvidator u cijelosti priznao kao osnovanu, te je u svom izvještaju naveo da društvo nema imovine iz koje bi se moglo izmiriti prijavljeno potraživanje.

Na ročištu radi ispitivanja uvjeta za otvaranje stečajnog postupka održanom dana 19.12.2024.god., likvidator je izjavio da u cjelosti priznaje potraživanje iskazano u dosadašnjem toku postupka, da ostaje kod izvještaja iz likvidacionog postupka, da u cijelosti kod izvještaja likvidatora od dana 19.11.2024. godine. Prema sačinjenom izvještaju u toku postupka utvrđeno je da društvo osim prijavljenog potraživanja nema drugih dugovanja prema povjeriocima i istovremeno nema ni potraživanja od trećih lica koja bi eventualno bila

naplativa, jer društvo nije ni počelo obavljati bilo kakvu poslovnu aktivnost, te nije ostvarilo nikakve prihode, društvo nema ni pokretnih niti nepokretnih stvari, kao ni sredstava na računu u banci, a sve navedeno proizilazi i iz Dopisa MUP ZDK- Odsjeka za administraciju Visoko broj: 08-01-02/7-03-7-1512/24 od 02.04.2024. godine, Uvjerenje Grad Visoko, Služba za urbanizam, imovinsko pravne, geodetske poslove i katastar nekretnina, broj: 04-26-629/24-2 od 02.04.2024. godine, Uvjerenje Općinski sud Visoko ZK ured, broj: 041-0-RZ-24-000 774 od 03.04.2024. godine, te Potvrda Ziraat banke broj 512/23 od 20.12.2023. godine.

Kako iz navedenog proizilazi da društvo ima neizmirene obaveze a nema nikakve imovine iz koje bi se mogli namiriti troškovi postupka, likvidator predlaže da sud pozove povjerioci i zainteresirana lica da u roku od 30 dana predlože otvaranje stečajnog postupka i predujme iznos od 3.000,00 KM na ime troškova stečajnog postupka, te da ukoliko niko u ostavljenom roku ne predujmi određeni iznos, da donese rješenje o otvaranju i zaključenju stečajnog postupka nad ovim društvom kao i brisanje istog iz sudskog i drugih registara po pravomoćnosti istoga.

Punomoćnik povjerioca je nije imala pitanja za likvidatora, niti primjedbi na izvještaj, te je suglasan sa prijedlogom likvidatora.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečajnom postupku („Službene novine F BiH”, broj: 53/21) pozvao povjerioci i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio likvidator.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:  
Protiv ovog rješenja nije  
dozvoljena žalba.

Sutkinja:  
Marina Šapina